

an t-soluis, agus uidheam, agus a lèchrain, màille re ola chum an t-soluis ;

15 Agus altair na tùise, agus a bataichean, agus an oladh-ungaidh, agus an tùis chùbhraidh, agus an cùirtein air son doruis a' phàilliuin^a ;

16 Altair na h-ìobairt-loisgte agus a cliath umha^b, a bataichean, agus a foithichean uile, an foitheach-ionnlaid agus a chas ;

17 Cùirteinean na cùirte, a puist agus a buinn, agus cuirtean air son doruis na cùirte,

18 Pinneachan^c a' phàilliuin ; agus pinneachan na cùirte, agus an cuird,

19 Eìdidh an fhrithealaidh, a fhrithealadh 'san ionad naomha, an eìdidh naomha air son Aaroin an t-sagairt, agus eìdidh air son a chuid mac, a fhrithealadh ann an dreuchd an t-sagairt.

20 Agus dh'fhalbh coi'-thionail chloinn Israeil uile a lathair Mhaois.

21 Agus thàinig iad, gach aon duine a dhùisg a chridhe suas, agus gach duine a rinn a chridhe toileach, agus thug iad leo tabhartas an Tighearna air son oibre pàilliuin a' choi'-thionail, agus air son a sheirbhis uile, agus air son na h-eìdidh naomha.

22 Agus thàinig iad aràon^d air agus mnai, a' mheud's aig an robh cridhe toileach, agus thug iad leo bràistean^e agus cluas-fhailean, agus fàinneachan, agus criosa-muineil^f, gach uidheam òir^g : agus gach fear

a thug seachad, *thug e seachad* tabhartas òir do'n Tighearna.

23 Agus gach fear aig an d'fhuaradh gorm, agus corcur, agus scarlaid, agus anart grinn, agus *fianna* ghabhar, agus croicne dhearg reitheachan, agus croicne bhroc, thug iad *leo iad*.

24 Gach duine a thug seachad tabhartas airgid agus umha, thug e leis tabhartas an Tighearna : agus gach duine aig an d'fhuaradh fiodh sìtim chum oibre 'sam bith do'n t-feirbhis, thug e leis *e*.

25 Agus sùimomh na mnai uile a bha glie-chridheach le'n lamhan, agus thug iad leo an ni a sùimomh iad, an gorm, agus an coreur, an scarlaid agus an t-anart grinn.

26 Agus na mnai uile a dhùisg an cridhe suas ann an gliocas, sùimomh iad *fianna* ghabhar.

27 Agus thug na h-uachdairain leo clachan onies, agus clacha chum an ceangal, air son na h-ephoid, agus air son na h-uchd-eìdidh ;

28 Agus spìofraidh, agus oladh air son an t-soluis, agus air son na h-oladh-ungaidh, agus air son na tùis chùbhraidh.

29 Thug clann Israeil tabhartas toileach a dh'ionnfuidh an Tighearna, gach fear agus bean a rinn an cridhe toileach a thòirt a chum gach gnè oibre, a dh'aithn an Tighearna dheanamh le làimh Mhaois.

30 Agus thubhairt Maois re chloinn Israeil, faicibh, ghairm an Tighearn air ainm Belsaceel mac Uri,

^a brat an doruis air son doruis a' phàilliuin, *Eabh.* ^b criathar praisè.
^c tairgean, seamannan. ^d an dà chuid. ^e dea'gan. ^f paideircin.
^g leudan òir gu lèir.